



In sabda ai 23 de Auri el gnü sughé la 6° partida dl ritorno dl campionat 2010/2011 de 3° categoria por La Val. La partida é gnüda sugada cuntra la squadra da Franzensfeste (squadra nöia te campionat) fora de ciassa. La partida é jüda fora 2 a 0 por La Val. Na partida che ne é nia stada saurida da davagné.

Dô le burt pareggio cuntra le Mühlwald in ciassa dl ultima dumënia é jüs La Val cun na gran grinta y plü decisi a Franzensfeste a urëi portè a ciassa i trë punç. La bela vitoria é gnüda, mo nia cun en bel jüch, sciöche La Val sá da sughé.

La Val á metü man bun la partida. La prüma gran ocasiun ti garetá a Florian, dô en bel recupero de Daniel Frenes de na pala che le defensur ne é nia plü sté bun da trá dmez, el bun da crosse ite sön le rigore. Florian ne atoca nia la pala dër bel y le pal vá dlungia porta ia. An mëss ince dí che le campo ne ê nia cis de beles condiziuns. Deplü pai basc rimbalza fora d nia ten ater vers, insciö ne jera nia da fa de beles aziuns. Tl prüm tēmp ne é nia ste de beles aziuns da mëter man, deplü bi crosc dles fascas da La Val (Daniel y Micky) ne é nia gnüs scfrutá dërt o che i crosc é jüs masa lunc. Le portier da La Val Merch á ma messe gni fora un en iade, cun na bela uscita che á antizipé le atacant. Sçno Franzensfeste ne é nia stá prigorusc. La Val á mustré indô la gran solidité dla difesa, che á sughé dër bun indô, sciöche les atres partides dl ritorno, lascian püces oportunités ai avversars. Le pal é gnü sughé suradüt it a mez al campo, mo cun püces ocajuns por fá goal. Le prüm tēmp se stlusc jö sön le 0 a 0.

Tl secundo tēmp é La Val plü convinti, mo ai stēnta impó da ruvé ales conclujuns. Cun i trëi cambi che é gnüs facé a mesa le secundo tēmp, se á cambié la paritida. Al 70° rōia spo Florian sön en bel passaggio de Romeo dan al portier, cun en bel tiro de dërt, che rōia sot le portier ite é nia bun da portè La Val in vantaje. I sogadusc da Franzensfeste devēnta tres plü nervösc, le arbiter mëss mustré deplü gheles, ala fin dla partida vëgn sciuré fora indüt 2 sogadusc avversars por soma de amoniziuns. Micky á ince porvé ciámó cun dös beles poniziuns da fa le secundo gol, üna é gnüda deviada de püch dala bariera y l'atra é gnüda parada, cun en bel salvataggio dl portier. Florian á ince ciámò albü en iad la poscibilité da fa la dopietta, en bel passaggio ind ô sön le rigora ne é nia bun da abiné, na bela chance sciurada ia

Al 85° él ciàmò Verginer Franzi che porta La Val sön le 2 a 0. En bel inserimento porta Franzi cuntra le ultim difensur, cun en bel dribbling él bun da salté le defensur. Spo röiel cuntra le portier, al mostra na gran fredezza y é bun da dribbeln ince le portier y porté la palla te porta.

La partida se stlüsç jö sön le 2 a 0. Cun chisc trëi puné davagná se porta La val al 4° post te tlassifica.

Sëgn pon dí che les partidas plü saurides é gnüdes fates por La Val, cun 4 partidas davagnades y 2 paregiades él zigü na buna prestaziun cina segn a mez le campionat. Mo sëgn mëtl man les partidas plü ries, cuntra les scuadres che é dant. Por davagné chères ol zënzater ester ciàmò plü impëgn!!!!

La formaziun titolara dla partida:



In cürt óiamò les sostituziuns dla partida:

al 70° Nagler Max por Sottara Stefan

Al 75° Verginer Franzi por Elzenbaumer Alex

Al 80° Tavella Thomas por Sottara Werner

Por ciaré ala tlassifica y i resultač dles artres partidas clicca. [Resultač y tlassifica](#)